



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. LXXIX. Insigni Vigilantia Et Stvdio in suorum salutem incumbant
Ecclesiæ Præpositi.

urn:nbn:de:hbz:466:1-42349

INSIGNI VIGILANTIA ET STY-
dio in suorum salutem incumbant
Ecclesie Præpositi.

*Palen & lo-
lium cū tri-
tico Matth.
13.
Mali sem-
per bonis
permisti.*

§. **I**nterim Ecclesie Antistites & Prælati sic animo
semper excubent, vt quantum fieri potest nulla à
Clero scandala oriantur. Nectamen deerunt, etiam si
vniuersas eo curas contulerint, quanto magis abun-
dabunt, si fuerint negligentes. Rectè S. Augustinus
137. ad suos Hipponenses, & habetur dist. 47. cap. 10.
Quantumlibet vigilet disciplina domus mea, inquit, homo sum
& inter homines vivo, nec mihi arrogare audeo, vt domus mea
melior sit, quam arca Noe, vbi tamen inter octo homines, re-
probus vnus inuentus. Gen. 8. 2. aut melior sit quam domus
Abrahæ, vbi dictum est. Ecce ancillam & filium eius. Genes.
21. v. 16. 3. aut melior sit quam domus Isaac, cui de duobus
geminis dictum est Iacob dilexi, Esau autem odio habui. Mal.
1. v. 2. 4. aut melior sit, quam domus ipsius Iacob, vbi lectum
patris filius incestauit Gen. 35. v. 22. & cap. 49. v. 4. 5. aut
melior sit quam domus ipsius Dauid, cuius filius cum sorore con-
cubuit 2. Reg. 13. vers. 14. cuius alter filius contra patris tam
sanctam mansuetudinem rebellauit 2. Reg. 15. 6. aut melior
quam cohabitatio Pauli Apostoli, qui si inter omnes bonos habi-
taret nõ diceret 2. Cor. 7. v. 5. foris pugna intus timores, nec dice-
ret cum de sanctitate & fide Timothei loqueretur, Phil. 2. v. 20.
Neminem habeo qui germanè de vobis sollicitus sit. Omnes n. qua
sua sunt, querunt, non qua sunt Iesu Christi: 7. aut melior quàm
cohabitatio ipsius Domini Christi, in qua vndecim boni
perfidum & furem Iudam tolerauerunt, Ioannis 6. v. 71. 8. aut
melior sit postremo, quam cælum, vnde Angeli ceci-
derunt Luca 10. vers. 10.